

LIBER PRIMVS ZO-
diaci, seu Hortuli duodecim Si-
gnorum Cœlestium, auto-
re Antonio Mizaldo
Monuciano.



*Ic ego Zodiaci stellatas vndique
formas
Perspicua methodo describo: ex
ordine tradens
Quot sunt que rutilant obliquū
Signa per orbem:*

PROPO-
SITIO.

*Cum Phœbo, alternis volucrem portantia Lunam:
Atque alia aduerso luctantia sidera motu,
In primum (veluti ex Sphæra monstrauimus antè)
Quas viuis habeant: quid agant: moueantq; deorsum:
Et quis cuique locus: qualis natura: quid hoc est,
Vnde homines, stirpes, pecudes, ær, mare, terra,
Concipiant motus: quo pergant tramite cuncta:
Quid proprium teneant: & quid memorabile seruent:
Nam scripsere in eis præsci miranda latere:
Ac vitam, & mortem rebus spirare quotannis:
Quando per illa suo spaciantur sidera motu.
Sed frustra hic operam nauabo, sis nisi mecum
Vranie: cœtus cœlestis prouida custos:
Ergo ades, & facilem te paruo trade Poetæ:
Egregium decus est tentantem summa, iuuare.*

INVO-
CATIO.

B Zodiaci

ZODIACI LIBER PRIMVS.

Zodiaci descriptio, vnâ cum ordine & nomenclatura duodecim Signorum quæ vchit, & à quibus nomen habet.

NARRATIO.

ZΩδίακον proprio dixerunt nomine Graij,
Quem Latium vera, & certaratione vocauit
Orbem signiferum: nam bis sex sidera portat:
Signa fere cunctis vulgari reddita voce.

Signorū
duodecim
Zodiaci,
ordo &
nūcupatio

Quod bene significent quid cælum mittat, agátne
Aera per liquidum in res terra, & corpora nostra:
Laniger est primum stellato vellere fulgens:

Quem sequitur radians prostrato corpore Taurus:
Post, Gemini incedunt speciosa lampade clari:

Deinde rebens aestum, & feruentia tempora Cancer:
Subter quem rabidi splendet fera seuæ Leonis:

Cui facilem comitem se præbet candida Virgo:

Sub pedibus spectans mirando lumine Libram:

A qua pertrahitur lucenti Scorpius astro:

Mox & ab hoc Cheiron, ytilo spectabilis arcu:

Post quem barbato Capricornus obambulat ore:

Quem non inuitus sectatur Aquarius: ambos
Deducens post se gemmato corpore Pisceis.

Occupatio
ad pe-
titionem.

Sed fortasse petis, cur hæc sint Ζώδια Græcis

Inscripta, & variis passim depicta figuris?

Præterea, cur sint illicitantum duodena?

Et cur disparibus stellis, ac lumine consent?

Causa est longa nimis, alioq; docenda libello

Sæorsum, cum multis, quæ hic visum est iure tacere:

Si patiens fueris, cum tempore cuncta reponam:

Ni fortuna meos conatus impia turbet.

Zodiaci distributio in gradus secundum longitudi-
nem & latitudinem. Adhæc, quæ sit eius natura, si
tus

AUTORE ANTO. MIZALDO.

tus, necnon obliquitas ac declinatio.

Regia diuorum rutilans, ac aula Deorum
Signifer, interitus rerum, vitæq; volumen:
Accipit in longum ter centum ex ordine parteis
Ac sexagenas: in latum solus, & vnus
Octo bis, vt doctis visum est: hic tramite certo
Obliquat sese in Libyen: vnde horrida Bruma
Aduentat: secat hinc medium curuatus Olympum:
Qua de parte nouum spirat Ver: inde volutus
In Boream: vnde Aestas flauentia demetit arua:
Hinc rursus medium repetit sinuatus Olympum:
Autumnus paribus qua tempora diuidit horis:
Atque iterum ad Libyę hinc sitientes flectit arenas:
Venerat vnde prius, necnon inceperat ire.

Cur signifer de omnibus cœli circulis mūdum obliquē circundet: multisq; animalibus illustretur.

Signiferum obliquis circundare flexibus orbem
Vna hominum voluit, diuumq; aterna potestas:
Quo varia rerum species, quod tempora rebus
Certa forent: adstringat Hyems: Ver stricta relaxet:
Concoquat Autumnus quod & ante parauerat Aestas.
Qui si directus staret, Sol semper, & astra
Consimilem cursum facerent, similemq; tenerent
Vsque locum: ac radios similes, & semper eosdem
Proiicerent: ex quo rerum sequeretur vbique
Forma vna, ac anni facies, & temporis vna:
Non absque insigni iactura rerum, hominumque.
Idem, bisseis passim variata figuris:
Signa vehit: pecudes, pisces, armenta, virosque:
Hic vt cuncta suos videant ortus, videantq;
Occasus: rerumq; vices, ac fata ferenda:

Zodiaci
partes in
longū, &
latum.

Declina-
tio.

Zodiaci
circulum,
nō temerē
obliquū
esse.

Vide ꝑæ-
ræpæ no-
stra, siue
Ephemer.

B ij Vt

ZODIACI LIBER PRIMVS.

ærias: &
Cometo-
graph.

Vt nobis alio monstratur rite libello.

Quid Signum Zodiaci, gradus Signi, minutū gra-
dus, secundum minuti, &c.

Signum, Zodiaci pars est trigesima: prout sunt
In toto partes ter centena, ac decies sex:

Et Signa in totis duodena his partibus: ergo

Gradus. Ter denis gradibus Signum distinguitur: atque

Minutū. Bis tricena gradus recipit, claudiq; minuta:

Sexagena secunda tenet quodcumque minutum:

Secundū. Et sexaginta fert tertia quodque secundum:

Cætera crescendo sexagenarius explet:

Vt monet ars, ac causa iubet, deponit & ordo.

Signi cuiusque longitudo, & latitudo. Adhæc, quæ-
nam Signa terrestria, aquea, aerea, & ignea dicantur.

Signa ter-
rea.

TRiginta gradibus longum, latum duodenis
Quodlibet est Signum: terrestria sunt, Capricornus,

Aerea.

Taurus, & Erigone: sunt æris hæc tria, Libra

Aquea.

Hydrochous, Gemini: naturam seruat aquarum

Ignæa.

Piscibus, & Cancro similis Nepa: quæ tria restant,
Ignæa sunt, Aries, Cheiron, Leo denique candens.

Signa masculina, & calida.

Mascula sunt Aries, Gemini, Leo, Libra, Sagitta:
Necnō fusor aqua: quibus est calor additus vnâ.

Signa fœminina, & frigida.

Signa hæc fœmineam cognoscunt frigida sortem:
Bos, Cancer, Virgo, Capricornus, Scorpio, Pisces.

Signa diurna, & nocturna.

TE valde cupio nocturna, diurnaq; Signa
Quæ sint prospicere, & propria deducere lege:

Non

AVTORE ANTO. MIZALDO.

Non tenebris, aut luce suum per agentia cursum:
Nam commune foret cunctis hoc ordine nomen:
Frigida sunt nocti, calida anthorata diei.
Sunt quibus esse diurna placet, quæ mascula surgunt:
Et nocturna, suum quæ s nomen femina tradit:
Signa diurna aliis, sex sunt quæ pronæ sequuntur
Lanigerum: sex à Libra nocturna putantur:
Illic, quod lucis Phœbus producere pergat:
Hic nocteis: tibi sit potior sententia prima:
Quam clari Astronomi scribunt, laudantq̃, probantq̃.

Signa septentrionalia, & meridionalia.

Ipsæ Aries, Taurus, Gemini, Cancer, Leo, Virgo,
Affectant Boream, verguntq̃, Aquilonis ad oras:
Signiferi positum si spectas: quo sit, ut illa
A doctis merito borealia Signa vocentur:
Hic ubi sit terra Phœbus, nobisq̃ propinquus:
Quæ post hæc veniunt, sunt Austri Signa, Notique.

Signa mobilia, fixa, & communia.

Mobilia hæc, Aries, Cæcer, Libra, & Capricornus:
Fixa, Leo, Taurus, Neptæ, cū Ganymede seruntur:
Sunt Gemini, Cheiron, Virgo communia Pisces.

Iam dicta Signa quomodo quatuor anni tempestates
excitent, foucant, ac moueant.

Lanigero pecori est vis mobilis: est sua Tauro
Vis constans, solidum robur, stabilisq̃ potestas:
Vis media est Geminis, viroque à sidere ducta,
Communisq̃ vigor: quod cetera Signa sequuntur
Ordine nexa suo per parteis vndique ternas:
Quæ tempestates componunt quatuor anni.

Quid Signū diurnū, & nocturnū ex multorū sententia.

Signa sex borealia, & totidē Australia.

Collatio tempestatū anni cum

B ij Tēporis

ZODIACI LIBER PRIMVS.

Signis à quibus cōstituitur. *Temporis hinc verni quadrupes Nephelcius autor
It properans: sempérque suas festinat ad herbas:
Nec mora, nec requies: manet ad præsepia Taurus:
Ver manet: insistit bos indefessus aratro,
Incumbens operi: incumbit quoque purpureum Ver,
Per sylvas, per prata, & cæpto perstat in ipso.
At Gemini modus est, dum Ver declinat, & ardens
Procedit cælo indomitis feruoribus Aestas:
Da simile in reliquis Signis, & partibus anni:
Ne, dum cūcta sequor, videar nimisſque, loquaxque.*

Signa tropica, siue cardinalia, & cur ita appellentur.

Tropica Signa vnde dicta. *Hic te percipiam memori bene mente notare,
Quattuor opposita facie gradientia Signa:
Aequo diuisum quibus est discrimine cælum:
Lanigerum dico, Libram, Cancrum, & Capriconium:
Quæ tropica appellant: quod in illis quattuor anni
Tempora vertantur Phæbo huc veniente: nouamq;
In faciem mundus sese conuertat, agátque.*

Signa tropica, ante se habere gemina & bicorporea Signa: non absque ratione.

*Non frustra duplici formantur imagine Signa,
Quæ tropica in quouis præcedunt cardine mundi:
Nam duplices retinent sociato corpore vires:
Sic præcurrentes Cancrum Gemini, duo sese
Pulchra & præbent: quorum alter florentia tempora Veris
notatu dignissima de tropicis, & bicorporeis Signis. *Efficit: Aestatem stricentem prouebit alter:
Nudus vterque tamen, sentit quia vterque calorem.
Sic ipse. Arcitenens (qui te Capricorne deorsum
Prospectat) duplici formatus imagine fertur:
Humanas parteis Autumnum morbisfer ambir:**

Tristis

*Tristis Hyems, sterilisque, sibi deposcit equinas:
 Quosque Aries prae se mittit duo, corpora, Pisces
 Bina ferunt: Hyemem hic claudit, Ver inchoat ille.
 Quintiam Erigone binis numeratur in astris:
 Quae Libram tropicum Signum praecedit eundo.
 Nec ratione caret: nam spicam porrigit Aestas:
 Dines & Autumnus de casta Virgine surgit.*

Signorum triplicitates, siue triangularitates, cum earundem qualitibus, ac temperaturis.

Est apud Astronomos ternis proportio Signis:
 Ignea triplicitas, Aries, feruens Leo, Cheiron:
 Terrea, cum Tauro Virgo, necnon Capricornus:
 Aeream faciunt Libra, Vrniger, atque Gemelli:
 Scorpius, & Pisces retinent, vt Cancer, aquosam.

Zodiaci triplicitates quatuor.

Signorum cuiusque triplicitatis Zodiaci Domini, tam diurni, quam nocturni.

Quattuor haec Triplex, vel (si vis) triplicitates,
 Sub denis gradibus Dños sibi foedere seruant
 In quouis Signo: veluti nunc ordine pandam:
 Prima, die primis gradibus denis habet alnum
 Solem: deinde aliis venerandum, nocte, Tonantem:
 Extremis, rigidum Saturnum in nocte, dicque.
 Altera, per lucem est Veneris, sed nocte Dianæ:
 Cui Mars participem se iungit tempore vtroque.
 Tertia Saturnum dum lux est: nocte, reposeit
 Hermetem: subscribe Iouem noctūque, diūque:
 Quarta fouet Martem noctu, Veneremque diurno
 Tempore: quæ s Lunam comitem da, nocte, dicq.

Triangularitatum Zodiaci ordo, cum earundem praefectis.

Signorum facies, siue Decani.

Sunt Signis facies, quas appellare Decanos

B iij Presta-

ZODIACI LIBER PRIMVS.

Præstaret gradibus quia denis quæque recurrit:
Has ego te methodo, paucis (aduerte) docebo:
Insuper illarum reges, dominosque Planetas.

Signorum Lanigeri prima est facies, primusque Decanus
Decani siue facies. Mauortis: Phœbiq; sequens: Veneris quod abundat:
Sic Tauri est prima Hermetis: Lunaq; secunda:
Tertia Saturni: Geminorum prima, Tonantem
Agnoscit: post hanc dabitur Marti altera: deinceps
Quæ venient, reliquis sacrare memento Planetis,
Vt sunt in cælo: facilis res, atque probata.

Signorum fines, siue termini.

TRaduntur Signis nonnulli denique fines,
Qui certas stellas retinent, dominosque Planetas:
Hos ego, te ex doctis cuperem perdiscere libris:
Nam res non leuis est, & amat compendia cælum:
Addo, quod hic nequeunt scribi omnia versibus apud.

Signum Arietis cuiam Planetæ domum, exaltatione, ac depressionem, seu casum exhibeat.

LAniger eligitur generosi regia Martis,
Et solium Solis: quo iuste, ac rite quotannis
Et rerum generi, atque hominum bene consulit orbi:
Ille idem aduerso Signo premiturque, caditque:
Quod reliquis (ne quid repetam) dabis inde Planetis.
Nam parte opposita solio, descendere pergunt.

Signum Tauri cuiam Planetæ, &c.

PRincipio, Cytherea domum, dulcesque recessus,
Et Phœbe solium, solique insigne superbum,
In Tauri posuere: illic nam regia iura
Exercet: sociisque tenent ditione tribunal.

Signum

AU TO RE AN TO. MIZ ALDO.

Signum Geminorum cuinam &c.

IN Geminis patriamque domum, charosque penates
Ipse sibi statuit volucer Cyllenius: hic se
Agnoscit: proprias & Signo accommodat arteis.

Signum Cancri cuinam &c.

LVna domū, & cathedrā sibi Iupiter optimus esse
In Cancro voluit, prope sacra palatia Solis.

Signum Leonis cuinam &c.

PHæbus percipiens se iungere rite sorori:
Sedulus in valido fixit sua Signa Leone:
Hicque domum struxit gemmis auroq; coruscam:
Impatiens consortis: ut est suprema potestas.

Signum Virginis cuinam &c.

MERCURIUS gaudet specioso lumine vultus
ASTRÆ: quapropter ei datur hospes amicus.

Signum Libræ cuinam &c.

IN Libra, stupido pulcherrima Cypria quondam,
SATURNO solium, necnon sibi condidit ades.

Signum Scorpj cuinam Planetæ &c.

SCORPIUS exposuit Marti sua lustra superbo:
Cum quo non alium voluit regnare magistrum.

Signum Sagittarij cuinam Planetæ &c.

CENTAURUS Iouis est præfulgida regia summi:
Cui nec adest socius, nec consors hic datur alter.

Signum Capricorni cuinam &c.

TV Capricorne seni SATURNO tecta, larēmq;
DAS: & MAURTI solium omni sanguine fœdum.

Signum

ZODIACI LIBER PRIMVS.

Signum Aquarij cuiusnam &c.

In te Saturnus sedem sibi ponit Aquari
Solus: nam comitem rigidus non sustinet vllum.

Signum Piscium cuiusnam Planetæ &c.

Pisces sūt Veneris cathedra, & dom^o amplat onātis:
Hospitium fœlix: nam est hospes ab hospite tutus.

Admonitio pulcherrima in iam scripta.

Si verum narrant, qui scribunt, cuncta deorsum
Quæ fieri debent, sursum retinere figuram:
Hic tibi proponam paucis pulcherrima: primum
Cernis vtrinq; domos Solis, Lunæq; superbas
(in quibus esse solet regina, & regis imago)
Mercurium eloquij patrem stipare: quod vnum
Summos vsque viros, & magna exempla daturos
Admonet, vt secum teneant, foveantq; peritos:

Philoso-
phica, &
summè no-
tanda de
domibus
Planeta-
rum.

Nec quocunq; modo propriis patiantur abesse
Aedibus: vt prosint, doceant, vigilentq; iuuentq;
Audis præterea, quod habet doctissimus idem
Mercurius, proprias aedes, Iouis ex diametro
Oppositas rectis: qui largus fingitur auri
Esse dator: quæ res demonstrat, & indicat, omnes
Qui vel doctrina, vel quacunque arte valebunt,
Raros prouentus, nummos, & opes habituros:
Quod pater ingenij præuè spectetur ab auri
Largitore: potes simili deducere forma

Breuitas
cū perspi-
cuitate au-
thori fami-
liaris.

Ex modò descriptis quamplurima: quæ tibi cogor,
Festinans aliò, iustè reticere: libenter
His boras aliquot, per libera tempora, posthac
(Si tibi quæ scribo cognouero grata) daturus.

Signum

AU TO RE AN TO. MIZALDO.

Signum Zodiaci vnumquodque, quibus stellis, quot, & quantis circumscribi & figurari ab Astronomis censeatur.

Quot stellis constet Signum quodcumque, quibusue, Et quantis, satagam facili monstrare Minerva
De proprio libro: dum formas, atque figuras

Octave Sphære conabor pingere ad vnguem:

Inq̄ suis castris ad tempora figere nostra:

Et cælo, ac terris aquata reddere lance:

In quo rite memm claudam hoc cœleste theatrum:

Mille quater structum & quingentis versibus: intra

Septenos mensis, nocturnis scilicet horis:

Dum fortè à rebus medicis, medicis quoque libris,

Ac aliis, mihi cessandi est concessa potestas:

Atque calor vegetus iuuenili in corpore feruet.

Signum Zodiaci quodlibet, quando inauspicatum dicatur, ac nocens: & contrà.

Signum quod calcet quicumque Planeta malignus:

Aut in quem radios iaculatur fronte minaci,

Inde trahit vitium, multoq̄ nocentiùs afflat:

Contrà, quod scælix: quæ res nos admonet vna,

Quod rectos mores ledunt consortia praua:

Emendantq̄ malos, bona: ni mentitur Apollo.

Signū fau-
stum & in-
faustum.

Signa aliquod cōtrario modo, quàm alia supra horizontem ascendere, & parte opposita cadere (si corporis formam, ac imaginem spectas) & quid illud demonstret.

Sunt tria Signa, nouem reliquis pugnantiâ forma,

Atque modo vario incedendi: respice Taurum

Clunibus, & Geminos pedibus, testudine Cancrum

Surgere: cum rectis orientur cætera membris:

Signa nō
vno mo-
do per Zo-
diacū in-
cedere.

Ne mirere

ZODIACI LIBER PRIMVS.

Ne mirere modum, nam Sol auersa per astra
Aestiuum tardis attollit gressibus annum:
Atque moras necit longas per talia Signa.

Philoso-
phica, &
pulchra.

Est aliud tamen hoc (me iudice) cuique notandum:
Nimirum, quod erunt homines quos surgere in altum,
Ad summosq; gradus, & honorum culmina summa,
Auerfo reptare modo, sine lege videbit
Mundus: constanterq; feret: cælo qui a sic stat.

Signa quædam in Zodiaco humana esse, alia ve-
rò ferina: non absque ratione, & exemplo.

Signa hu-
mana in
Zodiaco.

Signifer humanis Signis duntaxat habetur
Quattuor illustris: Geminiis & Virgine, nec non
Vrniq; queis parte vna addes Arci tenentem:
Que superant octo, dicuntur Signa ferina.
Sed fortasse petes, quorsum tot Signa ferina

Philoso-
phica & e-
gregia.

In cælo, & tam pauca humano prædita vultu?
An quod nos voluit summa, & diuina potestas
Noscere, quod plures brutales, atque ferinos,
Indociles, seuosque, malos, & ledere promptos,
Inferior mundus (qui se speculatur in astris)
Gestabit: quàm compositos virtutibus, atque
Humanos, dociles, placidos, mitésque, bonosque?
Qui prodesse velint cunctis, offendere nullum:
O rem mirandam cælum? ô mysteria digna
Omnibus exponi, quibus hærent optima cordi?

Signa humana à ferinis vbique in Zodiaco ob-
sideri: & quid illud significet.

Signa fe-
rina in
Zodiaco.

Qua sunt in cælis humano condita vultu
Signa, manent formis vtrinque obsessa ferinis:
Sic nudi Gemini, à Tauris, Cærocq; premuntur:

Et

AUTORE ANTO. MIZALDO.

Et rursus à Capro cornuto, & Piscibus, vnus
Vrñiger: à sano castissima Virgo Leone:
Sic Cheirona Caper, necnon & Scorpius vrgent.
Si petis, hæc quorsum? paucis monstrare studebo:
Vt genus humanum, sancta & cælestis origo,
Condiscat variis se casibus esse, malisque
Expositum: atque ad pauperiem vel lege vocatum
Naturæ: veluti ex speculo monstratur in astris.

Philoso-
phica &
pulchra.

Signa fœcunda & prolifica ex priscorum
traditionibus.

VTres cælorum facili gustare labello
Possis: ecce tibi, & rara, & vulgaria scribo:
Fœcundum proprie est Cancri genus: acer & icu
Scorpius: & partu complentes æquora Pisces.
His ergo in Signis natali tempore, quisquis
Summu rectorem genesis, dominumve videbit,
Multa prole parens fiet: modò cetera consent.
Causas nos alibi pergemus quæere: necnon
Multorum, passim quæ libris tradimus istis:
Si Deus hos nobis iuueniles proroget annos:
Et factum satis hîc à me tibi dixeris esse.

Signa tria
fœcunda.

Signa sterilia, & item mixta atque ambigua, ex
priscorum traditione.

Et Virgo sterilis, sterili coniuncta Leoni:
Nec capit, aut captos producit Aquarius ortus.
Inter vtrûmque volat Capricornus frigore notus:
Et qui contento fulget Centaurus in arcu:
Est Aries mixtus: qui æquantem tempora Libram
Ac Geminos, Taurumq; pari sub sorte recenset.
Hæc cui nascenti dominantur Signa, futurum

Vide pro
his Gene-
thialogi-
cos.

Credat,

ZODIACI LIBER PRIMVS.

Credat, vt aut paucos gignat, vel morte premendos.

Signa recifa, duplicia, ac bicorporea.

Q*uid quòd Signa dabo quadã, pro parte, recifã?
Atque ex diuerfo cõmiffis corpore membrif?
Teflis erit Caper: & qui tentum dirigit arcũ
Iunctus equo: cui pars hominis, pars altera bruti est:
Nec Taurum excludes, poftica parte carentem:
Queres quid monftrent, poft hac oftendere pergã
Cum primum reliqua huius plumæ abfoluero paucis.*

Signa muta, & loquacia.

M*Vta manent Cancer, Pifces, & Scorpio, Libra:
Sed nonnulla fonos, nullo monftante, reponunt:
Vt caput armenti Taurus: pecorisq; ſuperbus
Rex Aries: ſauisq; Leo, necnon Capricornus.
Cætera, ſermonis, vocifque capacia ſunto.*

Signa currentia.

N*E tu (quaſo) putes in eo cõmenta dediffe
Naturam rerum, quòd ſint currentia Signa:
Vt Leo, & Arcitenens, necnon & Laniger: illa
Nil tentat fruſtra: ſpectãtque per omnia finem:
Vt mox exponam, facili adſpirante Minerua.*

Signa feffa & pigra.

S*Vnt que feffa ſedent pigras referentia mentes:
Vt Taurus, poſtis collum demiffus aratri:
Et Libra, atque Caper contractus frigore ſurſum.*

Signa iacentia.

P*Rocumbit Cancer regradarius, ac iacet: eſtq;
Scorpius hũic ſimilis, metnendus vulnere: Pifces*

In

AUTORE ANTO. MIZALDO.

In latius obliqui recubant, cum morte sepulti.

Signa recta.

QVadam recta suis librantur sidera membris:
Vt Libra, Gemini, fundens & Aquarius undas.

Signa membris fraudata, siue imperfe-
torum membrorum.

SITU solerti circumspicis omnia cura:
Fraudata inuenies nonnullis sidera membris:
Scorpius in Libra consumit brachia: Taurus
Cernitur incuruo claudus pede: lumina Cancro
Desunt: Centauro superest, & queritur vnum.

ADMONITIO in superiora, pro illorum
significatione.

AVdisti vt cælum (mundi terrestres imago)
Concisos, steriles, scandentes, atque cadentes,
Mutos, ac duplices, currentes, atque iacentes,
Insuper, & fessos, prostratos, denique nudos,
Necnon fraudatos membris, pigrosque, loquaces,
Atque imperfectos, variè capiâtque, gerâtque:
Id dum cognoscis, dum spectas, discite libenter
Quòd nostros casus solatur mundus in astris:
Exemplòque docet constanter singula ferre:
Ac vitium cuiusque animo tolerare modesto:
Omnis cum à cælo fortuna pendeat ordo.
O rem, ter, quater excelsam: ò miracula mira
Cælorum? ò magnum artificem, summumque magistrum,
Et doctum? sacris digitis qui cuncta notauit
Sursum, discipulos vellet que nosse deorsum:
Hoc studio quid (quæso) dabis diuinius? aut quid
Optandum

Philoso-
phica sū-
ma lectio-
ne & admi-
ratione di-
gna.

Rerū cœ-
li studium
planè di-
uinum.

ZODIACI LIBER PRIMVS.

Optandum magis: id tenues quæramus, & ampli:
Nam æquè pauperibus prodest, locupletibus æquè:
Æquè neglectum pueris, senibusque nocebit.

Signa in Zodiaco hærentia, ac se contingentia:
adhæc conuenientia, & dissentientia: cum his
quæ deorsum præmonstrant, ac significant.

IN cælo nulla est hærentibus addita Signis
Gratia: nam consensus abest, quia visus ademptus.

Si fortasse cupis quæ sunt hærentia nosse:

Hærent perpetuò maribus muliebria: sicut

Lanigero Taurus, Geminis Cancer: tibi nota

Cætera sunt: mundo supero quibus est amor, & pax

Suspecta: ex sexus natura, parte, locoque:

Quorsum? nimirum vt discant homines bene nati,

Quod sunt, & sexu, & studiis, & moribus, atque

Votis disparibus, totum sociata per orbem

Mascula scæmineis, natura lege vetusta:

Scilicet hinc rixæ, & discrimina: quod (precor) vnum

Cõnubio iuncti videant, & credere cælo

Incipiant: in quo est Diuûm depicta voluntas:

Ast hominum nullis opibus mutabile fatum est:

Nec frustra, non sunt etenim venalia fata.

Quis Deus imponit leges, ac imperat, vt vult.

Signa aliquot gemina, & bina in cælo esse, non
absque causa.

Verè, Signa dabunt quædam geminata, potenteis

Per socium effectus: multum comes instat, agitq;

Ad pacem bellumque: duos per sidera Pisceis,

Necnon Tyndaridas nudatis aspice membris:

Quis coniuncta manent alicrno brachia nexu:

Consimi-

Philoso-
phica, &
egregia.

Fata non
esse vena-
lia.

Duo Si-
gna in cœ-
lis bina,
seu gemi-
nata.

AUTORE ANTO. MIZALDO.

Consimiles forma, & numerus par, par quoque corpus:
Ac aetas eadem, & vires, studiumque, modusque:
Atque hæc ex paribus toto gaudentia cælo
Signa vides: nihil exterius miramur in illis:
Ni quod cælestis mundus demonstrat ad vnguem,
Cum paribus debere pares traducere vitam:
Ac similem simili sociali fœdere iungi.

Philoso-
phica

Signa quædam in Zodiaco nuda esse: & quid
inde mundo inferiori significetur.

Nuda tibi ostentat cælum, & pauperrima Signa,
Vnigræ, ac Geminos: queis nõ est vestis, abestq;
Calceus, aut velum: nec frustra: vt discere pergas
Paupertatis onus patienter ferre: patique
Quidquid adest, statuitque tibi Diuina potestas:
Quæ cælum ante hominem formauit: vt esset imago
Cunctorum quæ vellet ei demittere: vellet
Nota prius fieri, quàm sint illapsa deorsum:
Nam leuius lædit quidquid prævideris antè.
Hinc sursum librum scripsit, pinxítque tabellam
Illorum quæ sunt, & erunt, olímque fuerunt:
Duntaxat notam prudentibus, atque peritis:
Qui non vt porci, vel iniqua fortis aselli,
Obstipio vultu tellurem semper adorant:
Sed sursum spectant: mittuntque ad sidera recti
Sidereos oculos, ac se scrutantur in astris:
Tantò maiores, quantò maiora sequuntur.

Pulchra
de Signis
duobus in
cælo nu-
dis.

Súma laus
& felici-
tas cœle-
stium Phi-
losopho-
rum.

FINIS LIBRI PRIMI ZODIA-
ci, siue Hortuli Duodecim Signorum
cælestium, Autore Antonio
Mizaldo Monluciano.

C